

Leser auß beschehener beschreibung verstandē vnd ver-
 nomēn/ die Natur/ Eygenschaft vnd Umstände einer
 vollkommenen festung/ vnd dannenher begreifen vnd
 verstehen kan die Fragen / so vnter den Batwmeistern
 von dem besten ort der Festung ombgehen vnd gemei-
 niglich fürfallen/ als sollen demnach obgedachte Frage
 beschrieben werden/ aber weil einē/ der davon recht vr-
 theilen will/ von nöten/ dz er zuvor ein erkandnuß ha-
 be des Scopis oder Ziels vnd Zwecks des ganzen han-
 dels/ so sollen fürs fünffte die vornembste drey Punctē
 desselben erklärt werden. Wann dann obgedachter
 Scopus , darnach man sich im Vrtheilen offit richten
 muß/ also beschrieben/ so sollen fürs sechste folgen etli-
 che Fragen wegen einer vollkommenen Festung/ vnd
 endlich dann etliche Frage wegen einer vnvollkommenen
 Festung/ so man bisweiln nach Gelegenheit der Der-
 ter machen oder bawen muß/ welches dann alles soll
 verfasst vnd begrieffen seyn in sieben Hauptstücken o-
 der Capiteln. Damit man aber den Inhalt dieses
 Büchleins/ vnd die Beschaffenheit der Ordnung die-
 ser Materien desto besser vnd augenscheinlicher sehen
 vnd begreifen möge/ wollen wir die Summa des gan-
 zen Wercks in folgender Tafel männiglich allhie vor
 Augen stellen. Wissen demnach / daß

Gegen-